

Rapport da gestiun 2021

Charas commembras, chars commembers, charas faaturas, chars fautors charas amias e chars amis da La Fliana. Quist rapport cumpiglia la perioda dals 1. schner fin 31 december 2021.

L'on 2021 ha cumanzà uschè sco cha l'on precedaint ha fini - plainamaing i'l bandaschun dal virus da Corona cun restricziuns, masüras da protecziun ed impustüt amo adüna cun mancanza da prespectivas. Lönch nu d'eira neir quist on cler, scha'ls cuors e refertas pon gnir manats tras sco giavüschè.

Dürant la stà sun gnüdas schlocciadadas las restricziuns uschè cha tuottas e tuots d'eiran optimisticas e be spranza, cha'l program 2021 da la Fliana possa gnir realisà. Eir la radunanza generala ha pudü gnir manada tras, cun retard, als 24 avuost 2021 in preschentscha da las commembras e'ls commembers. Sper las tractandas ordinarias sco, rapport da gestiun, rendaint da l'on scuors, preventiv da l'on curraint e la fixaziun da las contribuziuns, ha gnü lö l'onurificaziun dad Annina e da Jachen Erni. Plünavant ha il president inoltrà sia demischiun cul giavüsch da tuottas e tuots da güdar a tscherchar üna persuna plü adattada per quista carica.

Dals 26 october fin 14 december 2021 han gnü lö seguaints cuors: Lavurs a man da tuot gener cun Mengia Bonifazi e Nesa Hugentobler, pitturar cun culurs d'aquarel cun Ursina Ganzoni, Calligarfia cun Christa Pinggera, fieutrar nanins cun Cornelia Balz, giovar schach per minchün cun Andri Luzi e imprender co far adöver dal handy o tablet cun Duri Denoth. Als cuors han tut part 45 partecipantas e partecipants. Eir ils referats han pudü gnir manats tras sco previss, cun per part fich gronda partecipaziun. Al comitè chi'd ha eir quist on muossà ün fich grond ingaschamaint, na be pro l'organisaziun ma eir pro la realisaziun dal program da la Fliana, lessa in quist lö drizzar in nom da la suprastanza e da las commembras e dals commembers da la soceità ün fich grond lod e «grazcha fich»! Ün ingrazchamaint eir ad Anna Margaritta Filli per seis sustegn da tuot gener.

Als 14 december 2021 es gnüda convocada üna radunanza generala extraordinaria ingio chi'd es stat tanter oter tractandà il preventiv 2022 ma pustüt la tscherna d'ün nouv president a partir dals 1. schner 2022. Padruot Fried da Lavin s'ha muossà pront per surtout la bachetta da la soceità ed es gnü gnü elet unanim. L'acuar Buolf Nogler ha in quist'occuraziun declerà, ch'el füss cuntaint da pudair dar giò sia carica e spontanamaing s'ha Fabian Schorta mis a disposiziun per surtout quista lezcha. Per finir nun ha la radunanza tut cumgià Fabian Schorta, d'impersè da Buolf Nogler, til ingrazchond per seis ingaschamaint d'ürant ils ultims ons.

Il rendaint 2021 muossa pro entradas da frs. 23'871.10 e sortidas da frs. 25'684.13 ün deficit da frs. 1'813.03.

Per finir lessan ingrazchar fichun eir als organs da nossa soceità, nempe a la suprastanza ed als revisurs da quint per la buna collavuraziun ed eir a'ls donaturs pel sustegn finanziel.

Zernez, 20 favrer 2022

Il president d'ürant l'on 2021
Fabian Schorta